



RUKOMETNI SAVEZ BOSNE I HERCEGOVINE

PRAVILNIK O ORGANIZACIJI TAKMIČENJA RS BIH

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

Na osnovu člana 36.Statuta Rukometnog saveza Bosne i Hercegovine, Izvršni odbor Rukometnog saveza Bosne i Hercegovine (u daljem tekstu IO RS BiH), na svojoj sjednici održanoj u Sarajevu, dana 31.08.2017.godine, donio je:

PRAVILNIK O ORGANIZACIJI TAKMIČENJA RS BIH

I OPĆE ODREDBE

Član 1.

Pravilnik o organizaciji takmičenja RS BIH sadrži osnovne odredbe o sistemu takmičenja, kao i opće odredbe za učesnike takmičenja, propozicije takmičenja, kalendar takmičenja, takmičarska tijela, troškovi takmičenja, način organizacije i odigravanja utakmica, kaznene odredbe i sve ostalo što je povezano s takmičenjem.

Član 2.

Ovaj Pravilnik obavezan je za sve organe i tijela Rukometnog saveza Bosne i Hercegovine, a svi ostali propisi koji se odnose na sistem ili uslove takmičenja moraju biti u skladu sa odredbama ovog Pravilnika.

Član 3.

Rezultati u sportskom takmičenju određuju mjesto i završni uspjeh ekipa. Rezultat i poredak postignut nečasnim radnjama takmičarsko tijelo neće priznati, a protiv krivaca i učesnika pokrenut će se disciplinski postupak. Prvenstvena, Kup, turnirska, prijateljska, domaća i međunarodna takmičenja, provode se prema odredbama ovog Pravilnika, propisima Svjetske rukometne federacije (IHF-a) i Europske rukometne federacije (EHF-a), te Pravilima igre Svjetske rukometne federacije.

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

II SISTEM TAKMIČENJA

Propozicije takmičenja

Član 4.

Za svako takmičenje se propisuju Propozicije takmičenja koje donosi Izvršni odbor RS BiH na prijedlog Komesara takmičenja, najkasnije mjesec dana prije početka takmičenja, shodno odredbama ovog Pravilnika, Pravila rukometne igre i ostalih pravilnika RS BiH.

Propozicijama se propisuju svi uslovi takmičenja, broj ekipa učesnika, period takmičenja i način određivanja redoslijeda, način sticanja i gubitka prava učešća u takmičenju, vrsta objekata u kojima se igra i ostala pitanja koja su bitna za sprovođenje takmičenja.

Propozicije moraju biti u skladu s odredbama ovog i ostalih pravilnika RSBiH.

Propozicijama se, u skladu odredbama ovog Pravilnika, za svaku takmičarsku godinu propisuje:

- broj klubova u takmičenju
- period prvenstvenog, turnirskog ili Kup takmičenja;
- način organizovanja utakmice;
- redoslijed klubova;
- registracija utakmice i sva pitanja vezana za utakmicu;
- raspored odigravanja utakmica;
- visina, način i rokovi uplate kotizacije ;
- pravo učešća igrača i igračica prema uzrasnim kategorijama;
- uslovi, način i ostale obaveze klubova u vezi s organizacijom utakmica;
- rokove uplate novca na ime kazni, mogućnosti izricanja suspenzije zbog nepodmirenja obaveza i obavezu takmičarskih tijela da pokreću disciplinske postupke protiv klubova koji ne izvršavaju svoje obaveze;
- način i rokove izvještavanja službenih osoba i tijela o danu, vremenu i mjestu igranja utakmica;
- ostale obaveze organizatora utakmice radi uspješne organizacije utakmice;
- obaveze službenih osoba prije, tokom i nakon utakmice;
- pravo žalbe na utakmicu i žalbeni postupak;
- dužnosti, prava i obaveze tijela koje provodi takmičenje.

Propozicijama takmičenja obavezno se propisuju takse sudaca, delegata suđenja i ostalih službenih osoba na utakmici.

Takse sudija i delegata ne mogu biti veće od 80 % od svota taksi za utakmice neposredno višeg takmičenja.

Propozicijama takmičenja određuje se i visina dnevnica, koja ne može biti viša od aktuelne dnevnice za službena putovanja propisane propisima BiH.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Član 5.

U Skladu sa odredbama ovog Pravilnika i odlukama mjerodavnih tijela, Propozicijama se propisuju troškovi takmičenja, obaveze klubova-učesnika prema RS BiH-u i takmičarskim tijelima, te kaznene odredbe za neizvršavanje obaveza. Posebnim propozicijama za prvenstvena takmičenja igrača mladih kategorija, koje donosi Upravni odbor RS BiH-a, se uređuje sistem tih takmičenja, obaveze klubova i organizatora.

Pravila igre

Član 6.

Sva takmičenja u RS BiH igraju se na osnovi Pravila igre Svjetske rukometne federacije (IHF) i skladu sa Pravilnicima i Odlukama RSBiH. RS BiH može u svojim pravilnicima predvidjeti strože odluke, ako one nisu u suprotnosti s odlukama Svjetske rukometne federacije (IHF) i Evropske rukometne federacije (EHF) i Pravilima igre IHF-a. Službeni tekst Pravila igre sa obaveznim odlukama RS BiH za primjenu Pravila igre objavljuje Komisija za sudije i suđenje RS BiH.

Sistem takmičenja

Član 7.

Sistem takmičenja se zasniva na načelima dobrovoljnosti, otvorenosti, štedljivosti, najviših moralnih i sportskih vrijednosti. Sistem takmičenja mora biti usklađen s društvenim ciljevima i zadacima sporta. Svi učesnici takmičenja moraju poštivati načela sportskog morala. Sva vrsta takmičenja (prvenstvena, Kup, turnirska) moraju biti razumna, sportski i društveno opravdana. Takmičenja u rukometu trebaju podsticati razvijanje, omasovljenje, kvalitet i vrhunske sportske rezultate. Upravni odbor RS BiH određuje sistem takmičenja. Primjena elaborata o izmjenama sistema takmičenja započinje jednu godinu nakon njegovog donošenja.

Član 8.

Prijedloge za izmjene sistema takmičenja, broju liga-grupa i broju klubova u pojedinim stepenima takmičenja mogu podnijeti: za takmičenja u nadležnosti RS BiH - najmanje jedan entitetski savez, za takmičenja u nadležnosti RS Federacije BiH – najmanje šest kantonalnih/županijskih saveza i RS HB, za takmičenja u nadležnosti

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

RS Republike Srpske–najmanje četiri područna saveza, a za takmičenja u nadležnosti kantonalnih i općinskih saveza – prema propisima tih saveza. Prijedloge za izmjene sistema takmičenja, broja liga – grupa i broja klubova u pojedinim stepenima takmičenja mogu podnijeti i nadležni organi koji rukovode takmičenjem, odnosno udruženja klubova pojedinih liga.

Član 9.

Rukometni savez BiH brine se o održavanju:

1. Državnog prvenstva,
2. Kup-a BiH,
3. Međunarodnih i ostalih utakmica državnih reprezentacija,
4. prijateljskih i ostalih turnira i utakmica.

Državno prvenstvo

Član 10.

Državno prvenstvo seniora/seniorki se igra kao redovno prvenstvo prema dvostrukom bod-sistemu, uz mogućnost doigravanja. Sistem odigravanja prvenstva reguliše se odlukama Upravnog odbora RS BiH a na prijedlog komesara tih takmičenja.

Državno prvenstvo odigrava se i za:

- juniore i juniorke,
- kadete i kadetkinje,
- mlade kadete i mlade kadetkinje,
- pioniri i pionirke.

Član 11.

Premijer ligama BiH u ženskoj i muškoj konkurenciji, Kup takmičenjima rukovode Komesari/voditelji liga.

Sve pojedinosti o takmičenju u Premijer ligama uređuju se Propozicijama takmičenja. Moguća odluka o promjeni broja klubova mora se znati i objaviti najmanje godinu dana unaprijed. Odluku o promjeni broja klubova donosi Upravni odbor RS BiH.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Član 12.

Takmičenjima mlađih kategorija BiH vodi i rukovodi Komesar takmičenja za omladinska takmičenja.

Sve pojedinosti o prvenstvu igrača mlađih kategorija ureduju se Propozicijama takmičenja za mlade kategorije.

KUP BiH

Član 13.

Kup BiH ima dva stepena takmičenja.

Prvi stepen čine pred takmičenja prijavljenih klubova.

Drugi stepen čini završnica (1/8 završnice) Kupa BiH. Komesar takmičenja vodi i rukovodi takmičenjem u oba stepena.

Sve pojedinosti o Kupu BiH uređene su Propozicijama takmičenja Kupa RS BiH.

Kup BiH moraju igrati svi klubovi Premijer lige. Ostali klubovi mogu se prijaviti za takmičenje Rukometnom savezu BiH.

Međunarodne i ostale utakmice državnih reprezentacija

Član 14.

Organizacija međunarodnih i ostalih utakmica državnih reprezentacija je isključivo u djelokrugu RS BiH.

Član 15.

Moguće organizacije evropskih i svjetskih takmičenja, te međunarodnih turnira provodi RS BiH, u suradnji s ostalim pravnim osobama kojima se povjeri organizacija ili dio organizacije, u skladu sa odredbama ovog Pravilnika.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Mlađe kategorije

Član 16.

Na osnovu kategorija EHF igrači i igraričice su razvrstani u ove mlađe kategorije:

Pioniri/Pionirke 7-12 godina djevojčice i 7-13 godina dječaci
Mlađi kadeti 12-14 godina djevojčice cicibani i 13-15 godina dječaci cicibani
Kadetkinje zaključno sa 17 godina - 'U 17 djevojke'
Kadeti zaključno sa 18 godina - 'U 18 mladići'
Juniorke zaključno sa 19 godina - 'U 19 djevojke'
Juniori zaključno sa 20 godina - 'U 20 mladići'

Za učestvovanjem u takmičenjima obavezan je liječnički pregled, koji ne smije biti stariji od 6 (šest) mjeseci.

Za učestvovanje kadeta i kadetkinja u seniorskoj konkurenciji, obavezan je specijalistički ljekarski pregled, koji se obavlja svake godine od navršenih 14 do navršenih 17 godina života.

III OPĆI USLOVI TAKMIČENJA

Kalendar takmičenja

Član 17.

Termini igranja utakmica, u svim takmičenjima, moraju biti usklađeni sa Kalendarom takmičenja/natjecanja RS BiH kojeg je usvojio UO RS BiH pred početak svake takmičarske/natjecateljske sezone.

Za izradu kalendara takmičenja/natjecanja je odgovorna kancelarija RS BiH i izrađuje se na prijedlog Stručne komisije/povjerenstva, selektora nacionalnih timova BiH, što u konačnici mora biti usklađeno sa kalendarom takmičenja/natjecanja EHF i IHF.

Član 18.

Kalendar se takmičenja može mijenjati samo pod izuzetno opravdanim okolnostima, po istom postupku kao i za donošenje.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Član 19.

Igranje utakmica izvan propisanog termina dopušteno je samo iznimno, o čemu odluku donosi Komesar/Voditelj takmičenja/natjecanja u slučaju opravdanog razloga, isključivo na pisani zahtjev klubova.

Te utakmice igraju se u rezervnim terminima, tj. u prvom slobodnom terminu.

Član 20.

Utakmice se igraju prema utvrđenom i usvojenom Kalendaru takmičenja/natjecanja u redovnim terminima:

MUŠKARCI

Subota – od 15:00 do 20:00 sati

Nedjelja - od 13:00 do 17:00 sati,

ŽENE

Subota - od 15:00 do 20:00 sati,

Nedjelja - od 13:00 do 17:00 sati

i

Srijeda - od 18,00 do 20,00 sati, odgođene utakmice i utakmice koje su predviđene Kalendarom takmičenja za igranje srijedom.

Uz suglasnost obje ekipe i odluke Komesara/Voditelja takmičenja, utakmica se može odigrati i izvan vremenskog roka određenog u stavu 1. ovog člana.

Član 21.

Ako je kalendarom takmičenja/natjecanja predviđeno da se utakmica odigra radnim danom, **početak utakmice mora biti zakazan od 18:00 do 20:00 sati.**

Član 22.

Ukoliko utakmicu direktno prenosi ovlaštenu televizijski servis, utakmica će se igrati prema rasporedu spomenutog televizijskog servisa.

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

Učesnici takmičenja u takmičarskoj sezoni 2017/2018 u muškoj konkurenciji su:

PREMIJER MUŠKA LIGA

1. RK 'VOGOŠĆA POLJINE HILLS' -Vogošća,
2. RK 'BORAC m:tel' – Banja Luka,
3. RK 'KONJUH' -Živinice,
4. RK 'DERVENTA' - Derventa,
5. RK 'ZRINJSKI' - Mostar,
6. RK 'Bosna' - Sarajevo,
7. RK 'GORAŽDE' -Goražde,
8. RK 'SLOGA' -Doboj,
9. RK 'BOSNA CENTROTRANS' -Visoko,
10. RK 'IZVIĐAČ' -Ljubuški,
11. RK 'KAKANJ' - Kakanj,
12. RK 'SLAVIJA' - Istočno Sarajevo,
13. RK 'MAGLAJ' - Maglaj.

Učesnici takmičenja u takmičarskoj sezoni 2017/2018 u ženskoj konkurenciji su:

PREMIJER ŽENSKA LIGA

1. ŽRK 'GRUDE' - Grude,
2. ŽRK 'MIRA' - Prijedor,
3. ŽRK 'JEDINSTVO' -Tuzla,
4. ŽRK 'NERETVA' -Jablanica,
5. ŽRK 'ILIDŽA' - Ilidža,
6. ŽRK 'KRIVAJA' - Zavidovići,
7. ŽRK 'IZVIĐAČ' - Ljubuški,
8. ŽRK 'KATARINA' - Mostar,
9. ŽRK 'BIHAĆ' - Bihać,
10. ŽRK 'GORAŽDE' - Goražde,
11. ŽRK 'HADŽIĆI DIDO-GROUP' - Hadžići,
12. ŽRK 'DUBICA' - Kozarska Dubica.

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

Član 23.

Klubovi stiču pravo učešća u takmičenju na osnovu registracije u mjerodavnom registracionom tijelu, u skladu sa Registracionim pravilnikom RSBiH i Propozicijama takmičenja RS BiH

Igrači i igralice stiču pravo registracije i nastupa za klub prema odredbama Registracionog pravilnika i ostalih propisa RSBiH, što se upisuje u registracionu knjižicu.

Registraciona knjižica i licenca, su osnovne isprave kojima igrač ili igračica dokazuje pripadnost klubu i na osnovu čega ima pravo nastupa za svoj klub.

Član 24.

Klub, član RSBiH, ne može igrati ni u jednom stepenu redovnog takmičenja ako:

- je suspendovan od Upravnog odbora RSBiH;
- nije ispunio obaveze iz Pravilnika RS BiH i Propozicija takmičenja;
- nije obavio redovni liječnički pregled igrača.

Član 25.

Dvije ekipe istog kluba ne mogu učestvovati u istoj ligi.

Ako druga ekipa ostvari pravo ulaska u ligu u kojoj se takmiči njezina prva ekipa, to se pravo prenosi na prvu sljedeću ekipu po redoslijedu na tabeli.

Član 26.

Posebnim propozicijama za prvenstvena takmičenja igrača-ica mlađih kategorija, koje donosi Upravni odbor RSBiH-a, se uređuje sistem tih takmičenja, obaveze klubova i organizatora.

Član 27.

U skladu sa odredbama ovog Pravilnika i odlukama mjerodavnih tijela, propozicijama se propisuju troškovi takmičenja, obaveze klubova-učesnika prema RSBiH-u i takmičarskim tijelima, te kaznene odredbe za neizvršavanje obaveza.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Takmičarska tijela

Član 28.

Takmičenjima u Premijer ligama u organizaciji RS BiH, rukovodi Komesar/Voditelj koje imenuje UO RS BiH, na prijedlog matičnih saveza.

Komesar/Voditelj takmičenja je zadužen za kompletno organizacijsko-tehničko provođenje takmičenja.

Komesar/Voditelj u prvom stupnju donosi sve odluke u vezi takmičenja.

Član 29.

Takmičarska komisija RSBiH:

- prati i proučava takmičenje i daje podsticaj za brojnije okupljanje ekipa svih uzrasta;
- predlaže mjere za unapređivanje i jačanje sistema takmičenja;
- predlaže pokretanje disciplinskog postupka i odlučuje u drugom stepenu o klubovima, igračima, trenerima, službenim licima, sudijama, rukometnim radnicima i ostalim službenim osobama u vezi s takmičenjem.

Član 30.

Komesar/ Voditelj lige

Obaveze Komesara/ Voditelja lige su da:

- ▲ predlaže Izvršnom odboru Propozicije takmičenja/natjecanja najkasnije mjesec dana prije početka takmičarske/natjecateljske sezone
- ▲ neposredno upravlja takmičenjima na osnovu Propozicija takmičenja i drugih akata RS BiH,
- ▲ vrši nominaciju službenih osoba,
- ▲ odlučuje o svim pitanjima u vezi sa takmičenjem u prvom stupnju,
- ▲ odlučuje o kaznama u prvom stupnju,
- ▲ samostalno pokreće disciplinske postupke i odlučuje u prvom stupnju o kaznama u vezi sa prekršajima Klubova i pripadnika RS BiH na utakmicama,
- ▲ određuje utakmice visokog rizika,
- ▲ registrira utakmice
- ▲ radi i druge poslove i zadatke u pogledu uspješnog provođenja takmičenja,

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

- ▲ redovno, u rokovima propisanim Propozicijama, izdavati službeni bilten kao glasilo takmičenja, te ga objavljivati redovno na web stranici RSBiH,
- ▲ nadgledati naplatu troškova službenih osoba za obavljanje dužnosti na utakmicama;
- ▲ primati žalbe na svoje odluke i otpremiti ih, sa svim materijalnim dokazima, obrazloženjem i potvrdom o uplaćenju taksi, Takmičarskoj komisiji RSBiH kao tijelu koje odlučuje u drugom stepenu.

Komesar/ Voditelj / Direktor liga mora po završetku prvenstava predati u PRAVNOM odboru RSBiH pisane izvještaje o održanim prvenstvima.

Član 31.

Službeni bilten

Bilten je službeno i javno sredstvo izvještavanja i objavljivanja odluka i zaključaka Komesara/Voditelja.

Komesar/Voditelj liga je dužan redovno izdavati Bilten i to nakon svakog odigranog kola, te ga putem elektronske pošte dostaviti svim učesnicima takmičenja i postaviti na web stranicu RS BiH.

U Biltenu se objavljuju odluke Komesara/Voditelja donijete u prvostepenom postupku i postavljanjem Biltena na web stranicu RS BiH smatra se da je izvršena dostava osobi ili klubu na koje se odluka odnosi.

Član 32.

Komesar/Voditelj liga mora najmanje 15 dana prije početka takmičenja u Biltenu objaviti:

- adrese klubova koji učestvuju u takmičenju,
- propozicije takmičenja,
- odluku o troškovima takmičenja i ostalim obavezama klubova,
- liste sudija i kontrolora, te brojeve njihovih telefona i adrese,
- kalendar takmičenja.

Član 33.

Rokovi za stjecanje i gubitak pojedinih prava klubova i pojedinaca, u vezi s takmičenjem računaju se od dana prijema pisanih odluka, odnosno od dana objave Biltena na web stranici, a ako je Odluka objavljena u Biltenu.

Član 34.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Komesar/Voditelj ima pravo donijeti odluku ,da se sve ili samo neke utakmice posljednja tri (3) kola, igraju istog dana i u isto vrijeme, o čemu mora obavijestiti sve učesnike prije posljednja 3 (tri) kola.

Član 35.

Komesar/Voditelj ima pravo odrediti dan i sat početka utakmice, ukoliko se ekipa domaćin utakmice nije pridržavao odredbi iz člana 10.,11. i 12. ovih Propozicija.

Član 36.

Komesar/Voditelj je obavezan u roku od petnaest (15) dana, računajući od datuma prijema žalbe ,donijeti odluku o žalbi u prvom stupnju.

Član 37.

Komesar/Voditelj je dužan u provođenju disciplinskih postupaka primijeniti Disciplinski pravilnik RS BiH i odredbe ovih Propozicija, te Pravilnika o organizaciji takmičenja.

Službene osobe na utakmici

Član 38.

Službene su osobe na utakmici sudije, delegat, mjerilac vremena i zapisničar,te službeni ljekar.

Komesar/Voditelj liga objavljuje za svaku utakmicu ime delegata, koji zastupa RSBiH na utakmici i kontrolira pravilnost održavanja utakmice, u skladu sa Uputstvom o obavljanju dužnosti delegata RS BiH, ovim Pravilnikom i Propozicijama takmičenja. Delegat RSBiH je neposredni učesnik u donošenju odluke o ispunjavanju uslova za odigravanje utakmice (organizacijsko-tehničkih, reda, i drugih).

Član 39.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Liste službenih lica za takmičenje usvaja Upravni odbor RSBiH, na prijedlog Udruženja sudija i mišljenja Udruženja klubova i Komesara / Voditelja liga.

Liste se službenih lica usvajaju najkasnije do 25.08. svake godine i vrijede za jednu takmičarsku sezonu.

Liste službenih lica dostavljaju se Komesarima / Voditeljima liga.

Troškovi takmičenja

Član 40.

Troškovi se takmičenja obavezno unose u Propozicije takmičenja i svi ih klubovi učesnici plaćaju.

Izvršni odbor RSBiH-a utvrđuje visine kotizacija, taksu te ostale troškove.

Član 41.

Domaćin snosi troškove organizacija utakmice:

- najma dvorane - igrališta;
 - putnih troškova, dnevnica i taksu službenih lica (nacin se isplate uređuje Propozicijama takmičenja);
 - plakatiranja;
 - komunalnih i administrativnih taksu;
 - policije i redarske službe;
 - i ostalih troškova organizacije utakmice (razglas, napisi i dr.).
- Vrste i sadržaj ostalih troškova propisuju Propozicije takmičenja, ako nisu predviđeni ovim Pravilnikom.

Član 42.

Ako klub ne uplati novac na ime troškova takmičenja do propisanog roka, klub se **suspenduje i protiv njega se pokreće disciplinski postupak.**

Član 43.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Ekipa, domaćin utakmice obavezan je službene osobe isplatiti u skladu sa odredbama Propozicija, najkasnije trideset (30) minuta prije početka utakmice. **Ekipa koja ne ispuni obaveze iz odredbe stava 1. ovog člana, kaznit će se sa novčanom kaznom, te se SUSPENDUJE do izmirenja svojih obaveza.**

Organizacija utakmice

Član 44.

Utakmice se igraju u sportskim dvoranama, koje je registrirao Rukometni savez BiH i o tome izdao odgovarajuće rješenje.

Uslovi koje moraju ispunjavati sportske dvorane su:

- ✦ Teren za igru je dimenzija 40 x 20 metara, a pod mora biti od drveta ili drugog elastičnog materijala;
- ✦ Teren za igru mora biti odvojen od gledalaca ogradom koja će onemogućiti ulazak gledalaca na teren. Visina ograde je jedan metar i ista mora biti udaljena od terena za igru najmanje jedan metar;
- ✦ Na golovima/vratima moraju biti postavljene ispravne mreže;
- ✦ Golovi/vrata moraju biti pričvršćeni za pod;
- ✦ Dvorana mora biti pravilno osvijetljena i uz odgovarajući raspored svjetlosnih izvora. Jačina svjetla je najmanje 500 luksa;
- ✦ Dvorana mora da ima svlačionice za svaku ekipu posebno i posebno za suce sa tuševima i sanitarnim uređajem.
- ✦ U dvorani mora biti posebna prostorija za sastavljanje zapisnika utakmice koja se stavlja delegat/nadzorniku na raspolaganje.
- ✦ U određenom prostoru pored terena za igru mora se postaviti zapisnički sto i pored njega sa obje strane **klupe sa 16 mjesta ili 16 uvezanih stolica** za rezervne igrače i službene osobe kluba.
- ✦ Liječnik /zdravstveni radnik i spiker sjede pored zapisničkog stola.
- ✦ Za zapisničkim stolom sjede samo delegat/nadzornik, zapisničar i mjerilac vremena. Iznimno za zapisničkim stolom mogu da sjede po jedan predstavnik obje ekipe i to kada u dvorani dođe do kvara na semaforu ili semafor uopće ne radi ili kada na utakmicu ne dođe delegat/nadzornik.
- ✦ Na klupama sjede rezervni igrači/ice u sportskoj opremi i najviše četiri službene osobe sa istaknutim odgovarajućim **oznakama (A, B, C ILI D)**; svi moraju biti upisani u zapisnik sa utakmice i **sve službene osobe moraju biti jednoobrazno obučene u sportsku ili drugu opremu kluba, koja mora biti u boji različitoj od boje dresova protivničke ekipe.(gornji dio)**
- ✦ U dvorani se mora nalaziti semafor za pokazivanje vremena i rezultata utakmice. Vrijeme se mjeri od **2 x od 0 do 30 minuta.**
- ✦ U vrijeme igranja utakmice u dvorani mora biti istaknuta zastava BiH i RS BiH.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

- ✧ Dozvoljeno je igračima/icama da koriste ljepilo i isto mogu držati – odložiti na patikama. Međutim, nije dozvoljeno držanje ljepila na rukama ili zglobovima, jer ljepilo može dospjeti u oči ili lice igrača/ica i tako ugroziti zdravlje protivnika. Bez obzira što je dvorana službeno registrirana od strane Rukometnog saveza BiH, **domaćin je obavezan da na svakoj utakmici osigura da svi naprijed navedeni uslovi u cijelosti budu ispunjeni**, a utakmica će početi kada sudije utvrde da su se stekli uslovi za odigravanje utakmice.

Član 45.

Utakmicu organizuje klub domaćin (u daljnjem tekstu domaćin), u skladu s odredbama ovog Pravilnika i Propozicijama takmičenja.

U smislu odredbe prethodnog stava status domaćina imaju organizatori Prvenstva za igrače mlađih kategorija, turnira, Kup-takmičenja.

Član 46.

Domaćin mora na vrijeme osigurati i osposobiti igralište za igranje utakmice, semafor za praćenje vremena i rezultata, potreban broj svlačionica za ekipe i sudije, dvije lopte za igranje utakmice, policijsko osiguranje i redarsku službu, u skladu s Propozicijama takmičenja.

Član 47.

Domaćin mora u roku propisanom Propozicijama takmičenja, elektronskom poštom ili faksom obavijestiti gostujuću ekipu, sudije, kontrolora i Komesara/Voditelja lige o mjestu, datumu i vremenu početka utakmice te, te o boji dresova igrača i golmana u kojima će nastupiti.

Član 48.

Ekipa, domaćin utakmice, mora na vrijeme osigurati sportsku dvoranu u skladu sa odredbama Propozicija takmičenja.

Ekipa, domaćin utakmice, mora osigurati najmanje četiri (4) redara, koji moraju nositi vidljive oznake i ne smiju biti mlađi od osamnaest (18) godina života.

Najkasnije trideset (30) minuta prije početka utakmice, ekipa domaćin utakmice mora delegatu/nadzorniku predati pismeni popis redara koji sadrži ime, prezime i JMBG svakog od redara.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Ekipa, domaćin utakmice ,mora omogućiti delegatu, ako on to zatraži, provjeru identiteta redara.

Ekipa, domaćin utakmice, pored četiri redara, mora prijaviti i Glavnog dežurnog/ službujućeg čije se ime i JMBG unosi u zapisnik utakmice.

Član 49.

Ekipa, domaćin utakmice, ubire cjelokupan prihod s utakmice.

Ekipa, domaćin utakmice, je obavezna najkasnije deset (10)minuta nakon završetka utakmice, delegata/nadzornika usmeno izvijestiti o broju prisutnih gledalaca.

Član 50.

Ekipa, domaćin utakmice, je obavezan, bez naplate ulaznice, omogućiti prisutnost na utakmici osobama koje posjeduju zvanične iskaznice RS BiH

Član 51.

Ekipa, domaćin utakmice, mora osigurati dovoljan broj primjeraka zapisnika i omogućiti ispravno pisanje zapisnika **uz obavezno korištenje računarske opreme.**

Član 52.

Ekipa, domaćin utakmice, mora osigurati prikladnu prostoriju za nesmetano sastavljanje zapisnika i za obavljanje drugih pripremnih radnji za održavanje utakmice.

Domaćin utakmice je obavezan biti u prostoriji za sastavljanje zapisnika JEDAN (1) sat prije zakazanog termina utakmice sa svim potrebnim rekvizitima za sastavljanje zapisnika kao i gostujući predstavnik ekipe.

Domaćin utakmice pored svih ostalih rekvizita neophodnih za rad za zapisničkim stolom, i to: **rezervni sat, štoperica, zviždaljka, žuti, crveni i plavi karton, oznake za time-out T1, T2 i T3 za obje ekipe, kartone za vođenje evidencije o isključenjima i za to pripadajuće stalke, mora osigurati i 'karton povrijeđeni igrač'.** Kako bi se karton 'povrijeđeni igrač' višestruko koristio ,trebao bi biti sačinjen

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

od plastificiranog materijala, na način da s obje vidljive strane, omogućuje **pisanje i brisanje broja povrijeđenog igrača**. Iz tog razloga potrebno je osigurati i marker-brisač set.

Domaćin utakmice je obavezan osigurati i oznake za službena lica obje ekipe (A,B,C,D) .

Član 53.

Ekipe, domaćin utakmice je obavezna na vrijeme, u skladu sa odredbama zakona, pismeno obavijestiti nadležnu Policijsku upravu o datumu i satu odigravanja utakmice.

Ekipe, domaćin utakmice, je obavezna najmanje trideset (30) minuta prije početka utakmice, delegatu/nadzorniku predložiti pisani dokaz kojim je zatražila prisutnost policije, koji je ovjeren od strane Policijske uprave.

Član 54.

Ekipe, domaćin utakmice, je odgovorna za nered u kojem učestvuju gledaoci, za napad gledalaca na učesnike utakmice, što se smatra slabo pripremljenom utakmicom, pa učinjenu radnju delegat mora opisati u Izvještaju uz zapisnik utakmice.

Ekipe, domaćin utakmice, je odgovorna za ispade gledalaca, za neprimjereno skandiranje i bacanje raznih predmeta u igralište, što se smatra slabo pripremljenom utakmicom, pa učinjenu radnju delegat mora opisati u Izvještaju uz zapisnik utakmice.

Ekipe domaćin odgovorna je ukoliko su gledaoci u kontaktu sa ogradom ili krećući se uz ogradu na bilo koji način ometaju igrače-ice i sudije, što se također smatra slabo pripremljenom utakmicom, pa učinjenu radnju delegat mora opisati u Izvještaju uz zapisnik utakmice.

Član 55.

Ekipe domaćin mora osigurati dežurnog ljekara s priborom za prvu pomoć; u protivnom utakmica ne smije početi.

Službeni ljekar sjedi odvojen u blizini zapisničkog stola. Mjesto službenog ljekara mora biti obilježeno.

Ljekar smije ući u igralište na poziv sudija, a na delegatov poziv smije prići klupama za rezervne igrače.

Član 56.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Prije početka utakmice službeni predstavnik ekipe obavezno daje na uvid delegatu/nadzorniku trenersku člansku knjižicu s licencom , članske knjižice i licence igrača-ica koji nastupaju na utakmici, te članske knjižice i licence za sve službene osobe čija se imena upisuju u zapisnik sa utakmice.

Igrači koji nemaju člansku knjižicu i licencu ne mogu nastupiti.

Ekipe imaju pravo nastupa bez trenera.

Ekipe koje nastupe bez trenera kaznit će se novčanom kaznom.

Službene osobe bez članske knjižice i licence ne mogu biti upisane u zapisnik sa utakmice.

Član 57.

Utakmice svih takmičenja RS BiH, igraju se prema Međunarodnim pravilima rukometne igre, sa pravom nastupa do 16 (šesnaest) igrača.

Ekipe mogu u zapisnik utakmice prijaviti 16 igrača/ica, od kojih 2 igrača/ice obavezno moraju biti mlađi/e od 21 godinu (muškarci) i 20 godina žene.

Ekipe koje u zapisnik unese 14 igrača i manje nije obavezna imati igrače mlađe od 21 ili 20 godina.

Član 58.

Igrači su obavezni nastupiti u jednoobraznoj sportskoj opremi klubskih boja, koje su prijavljene i objavljene u adresaru klubova. Ako i jedna i druga ekipa imaju sportsku opremu iste boje, gostujuća ekipa mora nastupiti u sportskoj opremi druge boje.

Boje dresova golmana jedne ekipe moraju biti iste, a različite od boje dresova obje ekipe i boje dresova protivničkih golmana.

Službeni predstavnici ekipe moraju biti jednoobrazno obučeni u sportskoj odjeći ili opremi kluba, u boji različitoj od boja dresova protivničke ekipe.

Dresovi moraju imati brojeve na leđima najmanje veličine dvadeset (20) centimetara, a na prsima najmanje deset (10) centimetara.

Brojevi igrača na dresovima moraju odgovarati brojevima u zapisniku.

Dopušteno je nošenje termo kratkih hlača u istoj ili sličnoj boji ispod šorca, jednoobrazno za cijeli tim.

Član 59.

Igrači/ce se moraju liječnički pregledati.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Igrači/ce bez ovjerenog liječničkog pregleda nemaju pravo igranja.

Liječnički pregled se mora obaviti u sportskoj ili drugoj zdravstvenoj ustanovi.

Liječnički pregledi su obavezni dva (2) puta tokom jedne takmičarske sezone (jesen i proljeće), za što je odgovoran klub koje pripadaju.

Liječnički pregledi moraju biti uvedeni u protokol zdravstvene ustanove i upisani u člansku knjižicu igrača s točnim danom pregleda, te ovjereni pečatom zdravstvene ustanove i faksimilom liječnika.

Igrači mlađi od šesnaest (16) godina života ,moraju imati ovjeren specijalistički ljekarski pregled, u slučaju kada nastupaju u seniorskoj konkurenciji.

Igrači pored specijalističkog pregleda moraju imati i ljekarski pregled.

Specijalistički pregled važi za jednu takmičarsku sezonu.

Pravo nastupa imaju svi ispravno registrirani, licencirani i liječnički pregledani igrači.

Član 60.

U zapisnik sa utakmice obavezno se upisuju:

- ▲ broj lige i broj utakmice
- ▲ broj klubova
- ▲ broj licence, broj dresa, PREZIME I IME igrača/ice
- ▲ broj licence PREZIME I IME svih službenih predstavnika
- ▲ PREZIME I IME sudija, delegata, zapisničara, mjerioca vremena
- ▲ PREZIME, IME I MATIČNI BROJ liječnika/zdravstvenog radnika
- ▲ PREZIME, IME I MATIČNI BROJ Glavnog dežurnog/službujućeg

Jedan od službenih predstavnika mora biti službeni predstavnik ekipe. On ima pravo uljudno surađivati sa službenim osobama za zapisničkim stolom.

Ekipe **MORA** imati službenog predstavnika ekipe.

Trener smije samo kratkotrajno ustati sa klupe za rezervne igrače, radi zamjene igrača i davanja uputa o načinu igre.

Za uredno sastavljanje zapisnika odgovoran je delegat/nadzornik utakmice i isti će biti kažnjen sukladno ovim propozicijama ukoliko zapisnik ne bude popunjen prema uputama.

Zapisnik utakmice mora biti pripremljen najkasnije 15 (petnaest) min prije početka utakmice.

Član 61.

Domaćin mora omogućiti zagrijavanje igrača najkasnije 30 minuta prije početka utakmice.

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

Član 62.

Pet minuta prije početka utakmice sudije pozivaju igrače da se postroje na mjestu s kojeg će ih izvesti na igralište.

Član 63.

Spiker predstavlja gledaocima učesnike utakmice:

- gostujuću ekipu, redom igrače prema brojevima u zapisniku utakmice, trenera i ostale članove gostujuće ekipe s naznakom dužnosti koju obavljaju;
- domaću ekipu redom igrače prema brojevima u zapisniku utakmice, trenera i ostale članove gostujuće ekipe s naznakom dužnosti koju obavljaju;
- na kraju predstavlja sudije, delegata, zapisničara i mjerioca vremena, te službenog ljekara.

U trenutku predstavljanja službeni predstavnici ekipa i službene osobe utakmice, obavezno ustaju sa svojih mjesta.

Član 64.

Prije početka utakmice, a nakon predstavljanja ekipa, igrači se obavezno međusobno pozdravljaju.

Objе ekipe, dok su postrojene, moraju pozdraviti gledaoce.

Član 65.

Po završetku utakmice ekipe se postrojavaju na sredini terena i međusobno pozdravljaju, a zatim pozdravljaju gledaoce.

Član 66.

Sudije, delegat, zapisničar i mjerilac vremena moraju biti na igralištu minimum, 15 (petnaest) minuta prije početka utakmice.

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

Moraju se pripremiti za vođenje utakmice, pregledati sve sprave i uređaje na igralištu, provjeriti igralište i rad semafora, te obaviti ostale radnje propisane Propozicijama takmičenja i Pravilima igre.

Član 67.

Svaku utakmicu sude dvojica sudija sa grbom RS BiH.
Ako jedan od delegiranih sudija ne dođe, utakmicu će suditi samo jedan.
Ako na utakmicu ne dođe niti jedan sudija, odredit će se dva suca, ili samo jedan sudija koji su na listi sudija, a zateknu se u sportskom objektu.
Ako se u objektu nalazi više sudija i ekipe se ne mogu složiti koji će od prisutnih sudija sa liste suditi utakmicu, delegat će odabrati dvojicu ili jednog sudiju.
Ako su sudije najavile da će zakasnuti, radi opravdanih razloga, utakmica se može odgoditi odlukom delegata/nadzornika, najviše za jedan (1) sat.

Član 68.

Radi nedolaska sudija, a nije moguće osigurati adekvatnu zamjenu, delegat/nadzornik ima pravo odlučiti, u dogovoru s Klubovima, da se utakmica igra u drugom terminu u roku od dvadeset četiri (24) sata i o svojoj će odluci odmah izvijestiti Komesara/Voditelja lige.

Član 69.

Prije igranja završne utakmice Kupa BiH tena turnirima i takmičenjima državnih reprezentacija, svira se himna Bosne i Hercegovine.

Član 70.

Na prvenstvenim i Kup utakmicama, vrijeme čekanja protivničke ekipe iznosi petnaest (15) minuta, računajući od vremena određenog za početak utakmice.
Delegat/Nadzornik ima pravo vrijeme čekanja produžiti do najviše trideset (30) minuta, računajući od vremena određenog za početak utakmice.
Ukoliko ekipa radi opravdanih razloga kasni i više od vremena čekanja propisanog u stavu 1. i 2. ovog člana, delegat/nadzornik će istražiti mogućnost da se utakmica igra istog ili slijedećeg dana, ako odlukom Komesara lige nije određen istovremeni početak svih utakmica.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Zakašnjenje voza, autobusa na redovnim linijama, i to samo ako navedena prevozna sredstva redovno stižu u mjesto igranja najkasnije tri sata prije početka utakmice, uzet će se kao opravdan razlog zakašnjenja.

Ako ekipa putuje vlastitim vozilima (autobusom, automobilima) kao opravdani razlog zakašnjenja prihvatit će se prekid saobraćaja na njihovom putovanju duži od tri sata, dokumentiran od strane nadležne policijske uprave.

Na turnirskim i dr. takmičenjima vrijeme čekanja se određuje Propozicijama takmičenja.

Član 71.

Ako ekipa iz opravdanih razloga ne dođe na utakmicu ,razlog cijeni Komesar/Voditelj takmičenja,koji i određuje novi datum i vrijeme igranja utakmice.

Ako ekipa radi neopravdanih razloga ne dođe na utakmicu, mora platiti Ekipi, domaćinu utakmice, stvarne troškove priređivanja utakmice, koje određuje Komesar/Voditelj takmičenja ,a koji su dokazivi odgovarajućom finansijskom dokumentacijom.

Član 72.

Ako ekipa zbog nekog razloga odustane ili bude isključena iz takmičenja, brišu joj se rezultati postignuti tokom takmičenja ako je odigrala manje od polovine utakmica.

Ako je ekipa odigrala polovinu utakmica, sve će preostale utakmice biti registrirane s 10:0 u korist suparnika, te ista ekipa se ne može vratiti u PL i pod uvjetom da izmiri obaveze prema RS BiH , najmanje 3 (tri) godine.

Privremeni i trajni prekid utakmice

Član 73.

Utakmica se može prekinuti privremeno ili trajno.O prekidu utakmice odlučuju sudije, ako su iscrpljene sve prethodne mogućnosti, da bi se utakmica privela kraju.

Utakmica se prekida **privremeno** radi:

- ✧ velike hladnoće ili nesnosne vrućine ili ako se igralište u toku utakmice onesposobi za igru toliko da onemogućiti nadzor nad loptom,
- ✧ rasvjete koja ne zadovoljava propisane uslove, ili nestanka električne energije,

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

- ⤴ neuljudnog vladanja gledalaca i nakon upozorenja odstrane delegata,
- ⤴ bacanja predmeta u igralište, na sudije, službene osobe ili igrače,
- ⤴ nereda na igralištu, ometanja igre od gledalaca ili uopće radi slabo priređene utakmice,
- ⤴ drugih razloga koji su predviđeni Pravilima igre.

Kada se utakmica privremeno prekine, prekid traje dok se ne stvore zadovoljavajući uslovi za nastavak igre.

Utakmica se **prekida trajno** radi:

- ⤴ fizičkog obračuna između pripadnika jedne i druge ekipe,
- ⤴ radi fizičkog napada na učesnike utakmice s težim posljedicama,
- ⤴ radi fizičkog napada na sudije i nadzornika/delegata, zapisničara i mjerioca vremena,
- ⤴ narušavanja Pravila igre i uslova igranja utakmice toliko, da sudije, unatoč poduzetim mjerama, ne mogu utakmicu privesti završetku.

Prije odluke o trajnom prekidu, delegat/nadzornik i sudije moraju tražiti od ekipe domaćina utakmice:

- ⤴ da otkloni nedostatke u priređivanju utakmice, ako je prekid nastao radi slabo priređene utakmice,
- ⤴ da uvede red u gledalištu i
- ⤴ da isprazni gledalište ili djelomično udalji gledaoce.

Ako se ni tada ne osigura red na igralištu, sudije će trajno prekinuti utakmicu. Klub čiji pripadnik/ca je kriv za prekid utakmice kaznit će se novčanom kaznom.

Član 74.

Ako se igra ponovljena ili nastavlja privremeno prekinuta utakmica, dodatne troškove snosi ekipa koja je prouzrokovala prekid utakmice.

Ako je utakmica prekinuta radi vremenske nepogode ili više sile, tada svaka ekipa snosi svoje troškove, a za sudije i delegata ekipa domaćin.

Član 75.

Ako je utakmica prekinuta privremeno iz člana 73. i ako se nisu stekli zadovoljavajući uslovi za nastavak igre u razumno kratkom roku, što cijene sudije i

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

delegat/nadzornik, utakmica se nastavlja naredni dan. Ako i tada utakmica nije nastavljena smatra se da je prekinuta trajno.

Nastavak utakmice vodi se na istom zapisniku i sa istim akterima koji su i utakmicu započeli.

Izmjene i dopune zapisnika nisu dopuštene.

Odgoda utakmice

Član 76.

Komesar/Voditelj takmičenja može odgoditi pojedine utakmice ili cijela kola takmičenja, kada to zahtijeva opšti interes rukometnog sporta, a u vezi je sa nastupom reprezentacija BiH, ili nastupom jedne ekipe u međunarodnim takmičenjima ili pak iz drugih razloga.

Komesar/Voditelj Takmičenja na osnovu Kalendara takmičenja će odrediti termine odgođenih utakmica iz stava 1.ovog člana, vodeći računa o odredbama ovih Propozicija.

Član 77.

Ako jedna ekipa daje jednog ili više igrača za seniorsku ili juniorsku reprezentaciju BiH, može zatražiti odgađanje utakmice.

Član 78.

Klub koja želi odgoditi utakmicu, iz nekih drugih razloga ,obavezan je Komesaru/Voditelju takmičenja dostaviti pisani zahtjev ,u čijem prilogu će se nalaziti **pisani pristanak druge ekipe i pisani prijedlog o danu i satu odigravanja utakmice, na koju se odnosi zahtjev.**

Zahtjev iz stava 1.ovog člana, **ekipa mora podnijeti najmanje sedam (7) dana prije dana predviđenog za odigravanje utakmice.**

Komesar/Voditelj takmičenja je obavezan donijeti odluku u vezi zahtjeva iz stave 1. ovog člana, u roku od tri (3) dana računajući od dana prijema zahtjeva.

Član 79.

Prvenstvena utakmica ne može biti odgođena ako je određeno da se sve utakmice jednog kola moraju igrati istog danas istovremenim početkom. Tada može biti odgođeno cijelo kolo.

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

Član 80.

Odgođene se utakmice moraju odigrati u vanrednim rokovima koje je Komesar/Voditelj takmičenja predvidio kalendarom takmičenja, osim ako Komesar/Voditelj takmičenja nije odlučio drugačije u cilju regularnosti takmičenja.

Član 81.

Komesar/Voditelj takmičenja i IO RS BiH, imaju pravo odgoditi odigravanje cijelog kola takmičenja i odrediti novi datum odigravanja.

Žalba na utakmicu

Član 82.

Na odigranu utakmicu ekipa ima pravo izjaviti žalbu.

Žalba iz stava 1. ovog člana, se najavljuje najduže u roku od trideset (30) minuta, računajući od trenutka završetka utakmice, a prije zaključenja zapisnika utakmice.

U dopunski izvještaj sa utakmice moraju biti ubilježeni razlozi radi kojih ekipa izjavljuje žalbu.

Utakmica na koju je izjavljena žalba može biti poništena.

Član 83.

Komesar/Voditelj takmičenja ima pravo i obavezu poništiti utakmicu i na koju nije izjavljena žalba, ako se dogodilo nešto što je u očitoj suprotnosti s Pravilima igre, propisnicima RS BiH i ovim Propozicijama, a od odlučujućeg je značaja za konačni ishod utakmice.

Član 84.

Žalba radi igrališta, sprava i uređaja, čiji su nedostaci vidljivi prije utakmice, mora se najaviti prije početka utakmice.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Žalba na nastup igrača se mora najaviti prije utakmice i o tome se sačinjava službena bilješka u koju joj je žalitelj dužan navesti razloge za žalbu i potpisati. Izuzetno žalba se može najaviti na naknadni upis igrača u zapisnik u skladu sa Pravilima igre najkasnije 30 minuta nakon završetka utakmice. Žalba izjavljena nakon utakmice u slučajevima iz stava 1. ovog člana neće se razmatrati.

Član 85.

U roku od četrdeset osam (48) sati, računajući od sata završetka utakmice, ekipa koja je izjavila žalbu, mora poštom, elektronskom poštom ili faksom dostaviti Komesaru takmičenja žalbu sa svim bitnim elementima i eventualnim priložima. Ekipa koja podnosi žalbu je obavezna na račun RS BiH, uplatiti taksu od 400,00 KM. U slučaju da žalitelj ne uplati taksu iz stava 4. ovog člana žalbu će zaključkom odbaciti Komesar/Voditelj takmičenja.

Član 86.

Na odluku Komesara/Voditelja takmičenja nezadovoljna strana ima pravo podnijeti žalbu Drugostepenom organu-Takmičarskoj komisiji RS BiH i to u roku od osam (8) dana, računajući od datuma prijema prvostepene odluke. Nezadovoljna strana iz stava 1. ovog člana, koja podnosi žalbu, je obavezna na odluku Komesara/Voditelja takmičenja o žalbi, uplatiti taksu u iznosu od 600,00 KM. U slučaju da žalitelj ne uplati taksu iz prethodnog stava, žalbu će zaključkom odbaciti Prvostepeni organ.

Član 87.

Žalba na prvostepenu odluku dostavlja se drugostepenom organu posredstvom prvostepenog organa-Komesara takmičenja, koji je obavezan dopremiti sav materijal drugostepenom organu, koji mora donijeti pravosnažnu odluku najkasnije u roku od 7 dana.

Član 88.

Na odluku drugostepenog organa može se uložiti zahtjev za zaštitu zakonitosti. Zahtjev za zaštitu zakonitosti iz stava 1. ovog člana predaje se u pisanom obliku, IO

Pravilnik o organizaciji takmičenja RS BIH



RUKOMETNI SAVEZ BOSNE I HERCEGOVINE

RS BiH, posredstvom prvostepenog organa-Komesara takmičenja i to u roku od osam (8) dana, računajući od datuma prijema drugostepene odluke.

Na podnijeti zahtjev za zaštitu zakonitosti podnositelj istog dužan je uplatiti taksu u visini od 1.000.00 KM.

U slučaju da podnositelj zahtjeva za zaštitu zakonitosti ne uplati taksu iz stava 3 ovog člana zahtjev za zaštitu zakonitosti će zaključkom odbaciti prvostepeni organ.

Obnova postupka

Član 89.

Postupak završen odlukom mjerodavnog tijela drugog stepena može se obnoviti:

- ako se saznaju nove činjenice i dokazi ili ako se stekne mogućnost upotrebe novih dokaza koji bi, ili sami ili u vezi s već poznatima, mogli dovesti do drugačije odluke da su te činjenice ili dokazi bili izneseni ili upotrebljeni u ranijem postupku;
- ako je odluka donesena na osnovi lažne isprave, lažne izjave, lažne izjave svjedoka ili vještaka;
- ako je u donošenju odluke pogrešno primijenjeno materijalno pravo ili proceduralna odluka;
- ako je ustanovljeno nepotpuno i netačno stanje;
- ako je u donošenju odluke učestvovala osoba koja je prema općim propisima trebala biti izuzeta (zbog nespojivosti);
- ako organizaciji ili osobi koja je trebala učestvovati u ulozi stranke, nije omogućeno učestvovanje u postupku.

Član 90.

Obnovu postupka može zatražiti svaka zainteresovana strana.

Član 91.

Obnova se postupka može zatražiti u roku od mjesec dana:

- od dana kad je stranka mogla iznijeti nove činjenice i dokaze,
- od dana kad se saznalo za razloge za obnovu postupka i
- od dana kad je dostavljena odluka mjerodavnog tijela drugog stepena.

Po isteku 6 (šest) mjeseci ne može se zatražiti obnova postupka.

Član 92.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Pisani prijedlog o obnovi postupka, sa svim dokazima razloga za obnovu, dostavlja se tijelu drugog stepena-Takmičarskoj komisiji RS BiH, uz predočenje potvrde o uplati takse za obnovu postupka.

Visina je takse za obnovu postupka jednaka dvostrukoj svoti žalbene takse u drugom stepenu.

Kaznene odredbe

Član 93.

Komesar takmičenja će na osnovu zapisnika utakmice i pismenih izvještaja službenih lica registrirati utakmicu rezultatom 10:0 u korist jedne Ekipe, ako:

- ✧ Ekipa nije doputovala na odigravanje utakmice iz neopravdanih ili nepoznatih razloga,
- ✧ Ekipa domaćin nije organizirala utakmicu u predviđenom terminu i/ili nije došla na odigravanja utakmice iz neopravdanih ili nepoznatih razloga;
- ✧ igralište nije bilo osposobljeno za igru domaćinovom krivnjom,
- ✧ Ekipa odbije igrati utakmicu iz nepoznatih i neopravdanih razloga,
- ✧ Ekipa nastupi s igračem, koji nije imao pravo nastupa,
- ✧ Ekipa nastupi s igračem, kojemu je istekla valjanost lješkarskog pregleda,
- ✧ Ekipa napusti igralište ili odbije nastaviti započetu utakmicu,
- ✧ Se krivicom ekipe trajno prekine utakmica,
- ✧ domaćin utakmice nije osigurao prisutnost ljekara ili zdravstvenog tehničara sa potrebnom opremom za pružanje prve pomoći,
- ✧ Ekipa odbije da utakmicu sude delegirane sudije,
- ✧ Ekipa nije izmirio svoje novčane obaveze prema RS BiH, prema pismenoj prijavi kancelarije RS BiH.
- ✧ Ekipa nije izmirila novčane obaveze prema službenim osobama utakmice, a prema Odluci Komesara takmičenja je suspendirana do izmirenja istih,
- ✧ Ekipa domaćin utakmice iz nepoznatih razloga ne zakaže termin odigravanja utakmice

Osim što ekipa u slučajevima iz stava 1.ovog člana gubi utakmicu rezultatom 10:0, Ekipi se oduzima jedan (1) bod, od ukupno osvojenih bodova.

U slučaju kad je na utakmici postignuti rezultat povoljniji od 10:0, tada se on primjenjuje umjesto rezultata 10:0.

Član 94.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Komesar takmičenja mora, u skladu sa odredbama Disciplinskog pravilnika RSBiH suspendovati ekipu ili pojedinca protiv kojih je pokrenut disciplinski postupak.

Član 95.

Ekipa koja je suspendovana na osnovu prethodnih članova ovog Pravilnika, gubi sve utakmice koje je u vremenu trajanja suspenzije trebala odigrati prema kalendaru takmičenja službenim rezultatom 10:0.

Suspendirana ekipa ne može tokom suspenzije igrati prvenstvene i kup utakmice o čemu se brine Komesar takmičenja.

Suspenzija izriče Komesar takmičenja, a primjenjuje se od trenutka pisane odluke ekipi ili pojedincu, odnosno od dana objave Biltena na web stranici RSBiH.

Član 96.

Ako se ekipa Premijer lige BiH povuče iz već započetog takmičenja automatski gubi pravo nastupa, slijedeće tri takmičarske sezone, bez obzira na plasman u Prvoj ligi učešća u Premijer ligi BiH.

Član 97.

Zbog progresivne kazne (opomena, 2 min, diskvalifikacija) izrečene službenoj osobi, klub će biti novčano kažnjen u skladu sa Propozicijama takmičenja; u ponovljenom slučaju se novčana kazna klubu se **udvostručuje**.

Visina novčanih kazni i način uvećavanja, propisano je Propozicijama takmičenja. Klubovi Premijer lige, dužni su uplaćivati punu svotu novčane kazne na žiro-račun RSBiH, u roku od 7 (sedam) dana, od dana objave kazne u biltenu.

IV PRIJELAZNE I ZAKLJUČNE ODREDBE

Član 98.

Pravilnik o organizaciji takmičenja RS BiH



RUKOMETNI SAVEZ BOSNE I HERCEGOVINE

Ni jednim se propozicijama takmičenja ne može propisati djelokrug nekog tijela izvan RS BiH za rješavanje zahtjeva za zaštitu zakonitosti.

O zahtjevu za zaštitu zakonitosti učesnika takmičenja odlučuje Izvršni odbor RS BiH. Podnosioc zahtjeva snosi troškove postupka.

Zahtjev ne zadržava izvršenje odluke ,izuzev kad bi se njezinim izvršenjem mogla prouzrokovati nenadoknadiva šteta.

Član 99.

Promjene i dopune ovog Pravilnika vrše se na način i po postupku propisanom za njegovo donošenje.

Pravilnik je donesen na sjednici Izvršnog odbora RS BiH održanoj 31.08.2017.